

Qanoq ililluni Peqqinnissaqarfimmi sulisunik naapertuuttumik ilinniaqqissimasunik aalaakkaanerusumik atorfeqartitsisinnaaneq aaqqissuussamillu atuisinnaaneq pillugit nassuiaasiornissamik tamatumunngalu atatillugu iliuusissanut siunnersuusiornissamik Naalackersuisut piumaffigineqarnissaannut Inatsisartunit aalajangiivigisassanngorlugu siunnersuut.

(Inatsisartuni ilaasortaq Pipaluk Olsen, Demokraatit)

Akissuteqaat

(Peqqissutsimut Inunnullu Innarluutilinnut Naalackersuisoq)

Siullermeerineq

Siunnersuuteqartoq Pipaluk Olsen, qanoq ililluni Peqqinnissaqarfimmi sulisunik naapertuuttumik ilinniaqqissimasunik aalaakkaanerusumik atorfeqartitsisinnaaneq aaqqissuussamillu atuisinnaaneq pillugit nassuiaasiornissamik tamatumunngalu atatillugu iliuusissanut siunnersuusiornissamik Naalackersuisut piumaffigineqarnissaannut Inatsisartunit aalajangiivigisassanngorlugu siunnersuutaa pillugu, Naalackersuisut qutsavigaat.

Siunnersuuteqartup sulisut naapertuuttumik ilinniaqqissimasut Peqqinnissaqarfimmit suliunnaarajunnerat imal. piginnaasarilikkaminnik sulinerminni killilimmik atuisinnaasernerat saqqummiuppa.

Siunnersuuteqartup sulisut naapertuuttumik ilinniaqqissimasut Peqqinnissaqarfimmi suliunnaarterat imal. piginnaasarilikkaminnik sulinerminni atuinissamut killilimmik periarfissineqarterat pillugu ernumassutaa, Naalackersuisut paasisinnaavaat.

Naalackersuisut Peqqinnissaqarfimmit ilisimatitsissutaasut tunngavigalugit nalinginnaasumik taamaattoqarnera ilisarisinnaanngilaat. Taamaakkaluaq Peqqinnissaqarfimmit tamanna annertuumik ukkanneqartariaqarpoq.

Piginnaasarilikkat atituumik- Peqqinnissaqarfimmi pisortaqarfinilu allani- soorlu kommunini atorneqarsinnaapput. Taamatut nuttartarnek aalaakkaasunik sulisoqarsinnaannginnermik oqaatiginnittariaqanngilaq, peqqinnissamulli tunngatillugu ilinniagaqassutsikkut piginnaasat pisortaqarfiit akimorlugit pingaaruteqarlutillu piumaneqarnerannik takussutissiisinaalluni.

Aalaakkaasunik sulisoqarnissaq piginnaasanillu nutaanik atuinissaq, sulisoqarnermut politikkimut pingaarnermut inerisaanermullu atatillugu suliniutinut ilanngullugu Peqqinnissaqarfimmit suliniutigineqalereerpoq. Tamatumunnga atatillugu najukkani piginnaasatigut inerisaanissamik nukittorsaanissaq ilinniagaqassutsimillu qaffassaanissaq siunertaralugu suliitigaluni peqqinnissamut tunngatillugu kandidatinnngorniarnert nutaat inerisarneqarput.

Aalaakkaasunik sulisoqarniarnek nalinginnaasumik unammilligassaammat, aaqqissuussamik periusissiorlunilu annertunerusumik iliuuseqarnissaq suli pisariaqarpoq. Piginnaasatigut ineriartornissamut periarfissanik ersarissaaneq ilinniagalittullu piginnaasatigullu inerisarnissamut periarfissat ersarissut, aalaakkaasunik sulisoqarnissamik qulakkeereqataasinnaapput.

Peqqinnissaq pillugu Ataatsimiititaliarsuaq Peqqinnissaqarlu pillugu Siunnersuisoqatigiit peqqinnissamut tunngatillugu ilinniartitaanissamik pisariaqartitsineq tikkuartorpaat, iliuusissanillu aallartitsinissamut Naalackersuisut piareersimapput.

Naalackersuisut naliliinerat naapertorlugu toqqammavissat suliniutillu pioreersut aalajangiivigisassatut siunnersuutip siunertaanik annertuumik ikorfartuipput.

Nassuiaasiornissamut iliuusissatullu pilersaarusiornissamut taarsiullugu, sulisut ilinniartitaanerannik piginnaasatigullu inerisaanermik nukittorsaanissamut, Peqqinnissaqarfik aqqutigalugu ilinniaqqinnikkut ilinniagalittut anguniagassat piginnaasatigullu inerisaanerit suusinnaanerinek ersarissaasussamik periusissiorneq, Peqqinnissaqarfimmi ulluinnarni atugassaq aqqutigalugu, annertunerusumik tigussaasunillu iliuuseqarnissaq, Naalakkersuisut siunnersuutigaat.

Tamanna tunngavigalugu Naalakkersuisut allannguutissatut siunnersuutigaat:

Peqqinnissaqarfimmi aalaakkaanerusunik suliaqarsinnaaneq aaqqissuussamillu piginnaasanik atuisinnaaneq qitiutillugit, Nunatsinni Peqqinnissaqarfimmi ilinniartitaaneq piginnaasatigullu inerisaaneq pillugit periusissiorneq Naalakkersuisut piumaffigineqarnissaasa, Inatsisartunit aalajangiivigisassanngornissaanut siunnersuut.